

裴文達公詩集

裴文達公詩集

恭和

御製詩目錄

卷一

古今體詩八十首

卷二

古今體詩六十三首

卷三

古今體詩三十四首

卷四

古今體詩六十七首

卷五

古今體詩六十五首

卷六

古今體詩五十三首

裴文達公詩集卷之一

世宗憲皇帝實錄聖訓告竣羣臣慶賀禮成恭紀

孝治昭宣禮制隆層霄高際曉
瞳瞳書成一代謨謀求
朝列千官拜舞同

聖訓輝煌垂寶冊

容容肅穆感

宸衷清霜粲瓦寒陰散麗日當
軒瑞景融繡幃儼陳中
極殿

袞衣親迓大明宮綠文紉纓光
華遠黃紙封題體勢崇
重比玉衡傳奕禩朗生金鑑燭
長空璫璵色擁芝函煥

圭璧珍披薤葉工億萬人猶歌

帝德十三年總荷

神功儒臣載筆編摩謹後世開緘論議公石室烟雲長繚
繞瑤墀靄氣更蔥蘢

一人自此思逾切二典尋源道不窮

恭和

御製消夏十咏元韻

荷

一畝開文沼千莖遶綺窗花時宜永日采處卽清江翠
蓋亭亭直紅衣豔豔雙

幾餘吟興愜芳韻溢錚挺

蟬

未覺秋聲動從知夏晝長一枝棲自穩三匝意何忙弄
響咽高柳趁晴喧夕陽此時觀物理妙蘊喻螳螂

扇

障塵臨大道撲蝶向深叢欲擬團圞月能生淡蕩風火
雲朝覆砌赤日午行空舒卷方隨用功非笛簞同

蛙

鼓吹蛙聲沸池塘草色齊開階連夜拆達曙接晨雞漠
漠涼生戶霏霏水拍隄詩懷偏此夕不覺月輪低

螢

爲愛微光好蕭然爽氣激碎如千點火繁似九枝鐙映
壁宵吟久投囊夜課增暗飛螢自照杜老句偏能

冰

乘時遵月令凌室乍開冰玉氣輝輝合珠光的的凝桃
笙清可倚柳檻淨堪憑雪梳無炎暑招涼得未曾

雨

一雨灑郊原高低綠遶村芝蘭清有韻桃李靜無言九
野歡聲洽三農樂事繁人家烟樹外嵐氣秀朝昏

瓜

絳實堆盤豔朱瓢迸露香薦宜同藕雪甘不讓餠霜細
滌冰甌淨閒傾法醞良荔支三百顆爭似此先嘗

蛩

清籟秋前發新涼雨後歸草根吟更切砌下響誠微鶴
唳將騰遠螢光亦照帷蛩聲鳴應候同此得先幾

月

乍可湘簾捲兼宜桂楫游窺窗光淡淡印水影悠悠宿
霧清於埽行雲輕欲流檐牙畱照後節氣近初秋

六月初十日輪班引

見奉

詔和

御製消夏十咏

頒賜克食果品詩成奏

進

賜貢葛二端恭紀八首

玉皇宮殿敞疎櫺威鳳祥麟各在廷次第就班天未曙

五雲遙矚

太微星

呀晴仙鳥曉相呼樹影幢幢漸向脯佇立移時宣奏畢

侍臣環珮響璠瑜

千丈祥光護

紫毫傳將清景冠神皋漢家風起雲飛句舉似吾

皇未足豪

丹地分箋共幾人雕盤珍果

賜嘗新小臣初識

天廚味入口從知倍爽神

矻矻雞窗不記年低飛毛羽羨騰鶩迂疎忝與編摩職

敢道新詩萬口傳

賜出鮫綃織旋成擎來偏覺暑風清輕於蟬翼涼於水

被服年年無限情

雅音商略辨聲

玉案旁邊祕笈開

親付山公承

旨出階前遙認履聲來

是日

上召蔣虞山師偕少司農梁公少司馬汪公

面

諭修復古韻卽舉南山有臺一詩辨聲來通叶

文雅樓頭百尺竿清霄高處海天寬

宸章譜入豳風裏便作千秋金鑑看

乾隆癸亥孟秋戊子吉日

聖駕發自京都巡行東國展謁

祖陵用以抒

孝思而昭

祖德禮也

臣備員記注職在簪筆廼撰七言古體詩一章

恭紀

盛典蓋竊附於昔人上陵歌之義云爾

混同鴨綠從西來入雲長白高崔嵬千年王氣此間聚
鬱蔥一望誠佳哉我

皇法

祖懷

遺烈宴坐深宮戒無逸上陵舊制古所稱

霓旌翠旆凌秋發當時

列祖真人指揮六合驅煙塵受符

上帝主中夏得國最正古莫倫經營締造詔

孫子繼續還思開國始守成創業無易難業業兢兢一而已我

皇念此永不忘櫛風沐雨敢暇康

寢園松柏紛在望親奉玉食承烝嘗

仁皇御宇六十載兩謁

珠坵涉山海昔年父老能指陳馳道如弦至今在石門鐵
嶺凡幾重地靈蜿蜒神所鍾朝霞遠照松花水旭景迴
依木葉峰宛然

聖祖經行處又向昇平開

輦路川原草木盡忻歡承

恩一一迎

天步高山天作語可徵扶輿磅礴

帝業興龍盤虎踞何繚繞鸞翔鳳翥皆飛騰風雲吐吞瞰
赤縣岡巒重疊環

丹陵齊州坐看似眉列紫氛萬里祥光凝我

朝根本推

東國形家共識

真人宅天門九扇高幢幢向背陰陽倅翕闢武功文德仰

璇題建中崇政標銀額東西灋洛未足奇直邁周年書
八百山河表裏四望同從容周覽愜

宸衷諮詢故老流

闡惠憑弔往蹟欽英風邠岐遺俗頌樂土沛豐高會歌
舊宮維時天清玉宇淨滿輪皓月秋方中爰有名王謹
稽首四十八部分左右咸襲冠帶通威儀殿頭拜舞身
行酒我

皇萬歲福祿昌臣守藩籬効奔走

天顏一笑手引卮更進

慈闈前上

壽羽林十二拱

御營三千組練耀日明時清未可弛武備習勞肄射還
分棚

躬擐介冑臨晨出自總戎兵越塞行山中早已得狐兔
草間不敢潛颺颺

聖主能文復能武共道

雄姿似

皇祖七校齊瞻上將旗三驅肅聽軍門鼓移時罷獵解長
圍鐵衣靜處無風雨壯士垂鞭相和歌昇平雅樂仍堪
譜

兩京竝建道匪賒而今中外共一家
東西南朔極海宇
版圖遠訖天之涯
師旅更奏迎

鑾曲告

廟歸時欣飲福郊塍繡錯雪初飛
爲兆豐亨成百穀
上天眷顧錫萬年
持盈保泰猶乾乾

祖宗德澤在億兆
深入肺腑如銘鐫
不識不知

帝則順一遊一豫

皇仁宣

宸心默契垂衣化
臣職勤思補衮篇

十月二十四日赴煙郊恭接

聖駕再成迎

鑾曲十章附呈

御覽

羽騎森森鴈翅排清塵一道靜天街黃衣袴褶傳呼過
怡報行籌近已牌

瞳矐旭日影初交濟濟臣僚委珮敲虎拜一齊呼
萬歲東來紫氣滿煙郊

東國迢遙展謁歸寶輶珍重侍

慈幃道旁仰識

天顏霽萬丈龍光拱

太微

清蹕聲中萬姓歡神皋如繡候迎

鑾縣官無事煩供帳一任吾民夾道看

左輔名城接

帝京插雲千堞列崢嶸從臣前導

鑾輿入廿四牙旗左右行

洞啓重門俯八方樓開五鳳翼

天閭鐘磬動後鑪香近黃繖高擎日月光

闡道東都望幸心百年遺老懷謳吟依然

聖祖巡行候到處都霑雨露深

豈獨時巡典禮崇

祖宗神爽一誠通
紹衣每溯開疆日
虎踞龍蟠渤海東

平沙空濶水灣環
按轡吟看塞上山

睿藻自天題處濕
流傳早已到人間

小臣末技愧蟲魚
叨忝

殊恩厠石渠

盛典親逢還自慶
太平事業喜頻書

恭和

御製進宮見路旁麥苗待澤孔亟
秋禾尚未布種
惄焉

有憂賦以自咎元韻

聖人憂樂心斯世豐儉歲春耕而夏耘歷歷按載記其
或不及時毋廼窮簷累此誠廟廊責寧獨田畯司元穹
愛物仁其柄有攸寄君難臣不易道貴在各致惟

天惟下民呼吸通以意不雨人苦饑敢恃荒政備

玉食撫萬方年登爲上瑞一飯不忘農此念久相繫郊
甸適經行觸目思措置揮豪檄震霆爲埽紅塵翳急瀟
瀟滂沱雨脚直到地痛洗川原愁驕陽勿爲戾小臣職
論思抱牘慚封事仰視

天蒼蒼畢宿躔何次

恭和

御製夜雨元韻

夜聞急澗濺飛流

睿慮忻同造化游
頓洗塵埃還淨土
遍將膏澤到平疇
連朝早慰三秋望
一雨眞消萬戶愁

天語敬聆增悚惕
盈庭何以答

躬脩

恭和

御製甘霖旣霑詣暢春園問

安仰慰

聖母望歲之誠竝成長句恭誌

聖文公詩集卷之一
盛德元韻

宵旰憂勤自

大廷坐調七政奠清寧敢勞

聖母親行禱早有神祇肅効靈閔雨韻分金井灑額風詞
濯玉泉馨手中元化淋漓濕灑作郊原萬里青

恭和

御製秋夜泛湖賦唐文皇爽氣澄蘭沼之句得詩五首
依韻爲次元韻

秋聲從何來水面颯以爽人意淡相忘妙處非形象逝
者如斯夫無言指其掌澄流靜可思遙天清可仰

幾餘

睿思舒牋奏理初既物化觀自然火伏金猶未五行有
乘除得令斯爲貴寒暑如轉環所賴調元氣

雨過天宇澄連山翠轉凝霽極新月出淨若堆盤冰金
風透習習白袷涼不勝盥手思銀河有路終須登

中流見浦潏灤灤鳴空灘迴旋忽夜半輕燒移木蘭雲
水相鮮新浩然符曠觀年年蓬海景長此奉

宸歡

堯階紀茆茨文囿歌臺沼智水而仁山茲理分忽杪觸
境懷古人默證愈了了初地本無塵試看長空皎

上以王右軍快雪時晴帖大令中秋帖元琳伯遠帖合貯

養心殿溫室更取周子希賢希聖希天之語顏曰三希堂亦以見三帖皆希世之珍也

上親爲之記

命學士董邦達繪圖同直諸臣承

詔分賦

臣

裴曰修得七言長句四首

藉甚羲之與獻之翩然短簿鎮相隨烟雲過眼皆千古
圖畫傳神又一時墨沼溶溶輝几席玉山朗朗照鬚眉
前賢往矣風流遠異代還邀

聖主知

煌煌仙榜署金閨
溫室風清朶殿西
繭紙飄流成往事
龍文珍重錫

親題瑤箋展處光
騰漢寶篋開時氣
應奎比似泰宗當
絕頂寰中都覺衆峰低

傳將江左千秋筆
拈出濂溪一瓣香
妙諦自來無住著
羣賢今日有輝光
烏皮几靜鑪烟細
白玉堂開帶草長
幾暇數番臨寫罷
墨花飛動一行行

聖域賢關造自然
偶將餘事付丹鉛
曾聞隻字珠堪抵
況是連篇璧正全
兩晉聲華誇絕世
一門文物憶當年

卷之二
江東更有勳名在不獨尋常藝苑傳

恭和

御製大學士徐本以病請致政暫允歸籍調理行有日
矣詩以賜之元韻

臥病皤皤老匡時蹉蹉躬跡從今日遠道竝昔賢同回
首層霄上抒誠五夜中文宜興禮樂武合詰兵戎報
國心猶壯居高氣愈沖林泉身暫託台鼎事無窮未肯
負

明主於茲見古風

宸章頗屬望何以答

恩崇

恭和

御製九日奉

皇太后登高元韻

飛閣敞風烟秋光列檻前

兩宮觀令節九醞啓長筵
靄靄慈雲覆遲遲愛景延
茱萸與黃菊同此駐華年

恭和

御製九日題菊元韻

天作高寒色花如淡蕩人
開寧論榮悴意不可疎親
影

裴文達公詩集

卷之一

三

簇金英靜香籠翠葉勻自來欽晚節霜雪勿沉淪

奉

勅題學士董邦達山水

垂釣青溪頭岼嶺空亭裏豈是羊裘翁不然鵝冠子一
壑還一邱某山兼某水方今際昇平斯人可以起

奉

勅題畫院余省盤山橋樹

過淮爲枳徒虛語試向天成閣上看不信但從圖畫覓
翠雲如幄綴金丸

曾沐

仙毫親寫照沈兼

天筆屢題詩院臣奉

勅重渲染占盡秋光此一枝

乾隆九年十月重葺翰林院落成

聖駕臨幸送大學士掌院事鄂爾泰張廷玉進署錫宴

以唐臣張說東壁圖書府五律字分韻臣裴曰

修得酒字五言六韻

文星高麗天蓬觀屹連斗紅日臨

階墀清風來戶牖雍雍揖元臣穆穆瞻

聖后布席列東西奉觴紛左右和光益似春

恩意濃如酒報

國懷區區相將期不朽

恭和

御製便閱貢院得詩四首元韻

棘闈光采動星辰鴛瓦鱗鱗接

紫闥運際龍飛天甲子風高鶚薦日庚辛論文自詡千秋事挾策爭來萬里人謾說此中桃李盛吹噓都屬

上林春

祥凝五緯叶三台應運誰爲特達材經術一時推學者股肱他日待良哉

天章遍許儒林誦

仙榜新從藝苑開

龍筆題額
日旁求俊乂

曾是諸生攻苦地不

圖親見

至尊來

閬苑翩颺鶴影搏瑤臺十二碧闌干但看雷雨經綸起
未覺風雲際會難首闢四門符舜典載申三物重周官
聖朝玉尺高懸處不使良材爨下殘

寸晷俄驚晝影沈春蠶食葉憶孤吟有懷漫比漣漪淨
被

澤真同渤澥深謬謂文章抵鐘鼎不因廊廟負山林風

簷舊夢經回首猶是青鐙十載心

上幸翰林院錫宴賦詩禮畢後

幸貢院又

宣示長句四首恭紀

國與天地有與立斯文高揭中天日書思論道爲儒臣
其漫清譚矜珥筆沙堤屹立城南隅人言玉堂天上居
儲才之地號清祕八窗洞達氣象殊入座華簪皆妙選
更

詔元臣作冠冕百年禮樂際昌期千載明良邀

曠典騫翺騰鳳瞻雙懸

題額

御書

焜煌盛事耀簡編甲

予初冬日庚午

六飛臨幸開長筵二老垂紳分左右

帝命欽承拜稽首

天顏有喜廻重瞳手酌金卮浮大斗羣臣次第荷

寵光珮聲濟濟行鏘鏘晴霞翕赭湛露渥祥烟霽黼和
風翔滿堂動色欣相語真誠一日堪千古

恩波浩蕩廣莫量臣分涓埃愧何補

法駕初興再傳蹕璧府文光臨太乙鱗鱗瓦屋千萬間
綦置絲聯院園棘朗陳冰鑑持玉衡更兼慰藉含深情
宸章萬口共一誦感眞涕出寧諸生

國家樂育恩良厚

德澤涵濡

四

朝久思皇多士古所傳茲意殷勤肯虛負小臣執簡趨

御墀螭頭豹尾恆追隨卻從彩筆題名日爲憶青袍上

計時孝廉聞一能知幾人海茫茫偶然耳天策丹青圖

學士豔比神仙語徒侈祇今歷歷傳名氏此事還須問

青史沈宋文章亦空綺

是日伶人奏伎演十八學士及昭容選詩故事因文見

道有深旨

是日敬聆聖訓

大哉

皇言職當紀況復

琅函披宛委

御製文集 頒賜

恭和

御製駕至翰林院賜宴分韻聯句後復得詩四首並示
諸臣元韻

丹地

恩濃釀作春階陳百戲席羅珍兕觥進酒昇平宴鶴髮
垂紳弼亮臣光賁尚方雲錦麗香分仙品露芽新便蕃
異數簪毫紀叉手槐廳日幾巡

奎章舞鳳字回鸞捧出齊裁七等冠一串珠璣天際落
兩行纓紱日邊看黃金鑄額霞成采白玉爲堂雪作團
任是汀洲鷓鴣侶都來

瀛海泛澄瀾

莫論璧合與珠聯寧獨風雲月露篇此口真成千載遇
後來還數幾人賢探從碧海非無路步入藍田更有煙
爲問三山定何許不將縹緲羨神仙

一堂和氣樂融融

天語親承識

聖衷

當宁卽今勞寤寐吾儕何以答

高崇百年恰值文明盛三接從知禮數同香案前頭齊
拜手珮聲真在五雲中

恭和

御製新月元韻

蕊殿初懸七寶繩蛾眉比似未爲應纔開奩鏡光猶乍
半照珠胎影不勝簾押靜時穿翠幕波紋間處透青綾
侍臣下直清無事擁榻熏籠倚壁鐙

恭和

御製正月十六日

皇太后瀛臺看烟火卽景鐙詞八首元韻

凍合春塘玉一規九微鐙彩列星垂凌空乍起雙龍闕
徹地平開百子池

迎春仙仗值春旋萬朶千枝寶炬燃火裏開花偏豔豔
烟中著葉更田田

移來帳殿出延清十二瓊楹照眼明銀燭光中長不夜
遲遲春箭轉璣衡

雕盤行酒更分茶閭闔勾陳擁

帝家班合侍臣停鸞鴛詩成

天筆走龍蛇

萬邦同日樂春臺

詔許賓藩次第來列坐雁翎光煥爛分行鶴氅影毵毹
顆顆蛟珠上下光蘭風欲度細飄香三分春色十分月

知是東皇自主張

自是時平樂事真九衢多少治游人

皇心悅豫

天心協持奉

慈寧萬歲春

大千世界敝珠林鈴索丁東絳闕陰直把寒宵烘作畫
待將和氣釀爲霖

恭和

御製瀛臺賜宴得詩四首示諸臣元韻

車銜繡轂騎聯珂委珮聲敲笑語和紅日向空收宿霧

黃雲應候薦新禾路緣蓬島圖中入人在菱花鏡裏過
不數橫汾舊時曲蘭芳菊秀漫興歌

秋入清都萬景稠闌干十二玉虹浮

龍旂漸近微風引鳳管徐吹細樂流見說皋夔方並席
又兼李郭許同舟凌晨

詔赴羣仙會齊到瀛洲最上頭

綺思藻韻

俱樓名

影連娟香展前頭罩瑞烟千日酒斟仙

掌露五侯鯖出大官筵人間盛事

三朝合

天上新詩萬口傳猶是

仁皇遺蹟在重將佳話續當年

宴罷遲廻更小畱自維

恩厚倍難酬願同葵照常承日不比蒲衰易感秋曲水
杯浮紛授簡橫塘舟繫緩垂鉤歸時袖得

天香滿迤邐行經杜若洲

恭遇

賜宴瀛臺用唐臣李嶠甘露殿侍宴詩分韻臣裴曰修
得承字五言六韻

豐年欣已屢

盛事復相仍瀛海無雙地蓬萊最上層碧雲籠綈綠紅

日上觚稜詩許揮毫就人教納陞升股肱賢首說宗姓
禮先滕前一宴共託千秋遇何因得仰承

宗室諸王公

恭和

御製桃花寺行宮對雪元韻

別館邀

仙蹕同雲斂夕霏盈盈霑袂濕點點倚風微洞口紅初
綻山中綠未肥便堪題絳雪更乞

御毫揮

千花底處來一片白雲隈著地鋪仍遍連山埽不開弄
寒舒的皪疊絮舞毵毵春後春前較剛同五出梅

至人游物外對景卽爲娛圖畫難工處形摹豈盡乎危
亭凌石出曲檻倩花扶試看三千界纖塵染得無

恭和

御製恭謁

孝陵元韻

松楸闕地關感切百年間夏鼎尊中土周葵道八蠻洪
惟

恭已化求念守成艱原上衣冠舊遐思愴

聖顏

恭和

御製恭謁

景陵元韻

祠官如可乞甘極勝於飴春露經年惕園供按籍知樞
衣隨

輦路揮涕灑松枝頻歲悲弓劒茲來感壯時

祠官如可
乞願奉陵

園人宜
宗語也

恭誦

聖製題庶子張鵬翀所進春林澹靄卽用其韻六章依
韻同賡以志盛事

拂拂仙雲淡欲垂數峰依約碧於眉
胷中邱壑不凡處

得意晴窗揮灑時

露華凝紙束程毛派自雲林格最高進向

彤墀春正麗兩行宮柳間宮桃

曉氣騰爲五色雲高臨華蓋結龍文侍臣展卷

天顏喜

黼座旁邊扇影分

召來丹地語親承曳履層階取次升呼作

玉皇香案吏頭銜新署喜難勝

六首

天章和旋成一時誰更比恩榮玉堂佳話人爭說直向

雲霄眺上清

聖朝側席屢旁求豈獨名高五鳳樓
報國寸心還有在更書無逸殿西頭

裴文達公詩集卷之二

恭和

御製戊辰仲春東巡祭

闕里秩岱宗初四日自京奉

皇太后啓程得詩八韻元韻

聖祖東巡後遙遙復到茲隆儀如有待盛典更誰其師道
尊

昭代明堂啓大達

皇衷勤繼

武

懿訓敬承

慈刻漏車前報輿圖掌上披曉屯連萬幕夜火列千旗遊
豫徵民諺艱難厪

帝咨飛龍在天際雲雨仰行施

恭和

御製過容城元韻

道旁指點過芳原邑小休將斗大論三輔流風應不遠
百年遺老想猶存時殊燕市悲歌寂地近堯墟古處敦
須識

九重清問意此來端只爲元元

恭和

御製萬柳隄元韻

長短枝條萬柳隄嫩黃猶沐乍生稊東風爲奏陽和曲
天上新傳樂府題

水態雲容相與閒流雲如水弄潺湲三關南去無多路
隔柳遙看杳靄間

黃鋪馳道淨無埃春色迢迢首重廻他日遊人歌盛事
柳邊應築望春臺

恭和

御製趙北口閱水圍詩元韻

數澤虞人掌春蒐信有之習勞知不廢揚

烈尙於茲北際南陞路鳴榔擊楫時旌旗疑海上烟水渺
天涯陣似凌風出舟如使馬奇潛鱗心且駭弱羽計安
施波面魚空躍雲邊翅總垂三驅申

國典七校列軍儀應笑拔河戲還嗤競渡嬉須臾
湯網解歌誦口成碑

恭和

御製趙北口卽景元韻

恍是江南捲畫川魚爲生計水爲田紅橋署作短長驛
綠漲染成朝暮烟野老迎

鑿忻倚杖行人飲馬笑投錢誰知豹尾龍旗外別有風
光付釣船

柔櫓聲和隔岸聞聚觀人各意欣欣輕陰似釀今宵雪
彌望遙連極浦雲鱗舍魚莊紛就列雞棲豚栅儼成羣
征衫未覺寒偏重屈指春韶半欲分

恭和

御製河間道中元韻

說禮敦詩推此地獻王遺跡見名邦漢家邸第誰堪竝
梁苑風流未許雙日近

帝都天壯麗春生大澤水春淙清時弦誦還相續夜戶

頻教月到窗

恭和

御製登景州開福寺塔元韻

圓移塔影恰中天齊魯分明列檻前
緣到三春團野色青浮千里起炊烟
憑高欲縱淋漓目入定誰安自在禪
夾道香花紛讚佛聲聲歡頌太平年

恭和

御製書福詩元韻

書福年年集庶僚寶牋擎出

德音昭雙龍盤繞精神見一氣廻翔體格超日麗絳霄

開壽域雲垂銀榜煥春朝分行拜

賜同稱慶願比華封祝

帝堯

聖武遠揚平定金川功成奏凱恭紀

有序

皇帝御宇之十有四年二月望前一日平金川捷奏

上

聞河岳增輝風雲動色協氣與春旗並暢懽聲偕露布

俱騰

臣

載筆

宮寮備員侍從踴躍鼓舞尤不能自已於言伏見有事
金川以來闕帥乖方督師玩寇屢煩

宸顧坐耗軍儲爰是大學士忠勇公傳恆慮足籌邊氣
能吞虜請於

皇帝陛下受經略印以行年如鄧禹杖策馳驅誼比伏
波據鞍顧盼禮成推轂領

禁旅於期門志在投鞭稟

宸謨於

宣室浩浩蕩蕩駢駢闐闐不介馬以馳遂援桴而赴桃
關夜渡捫星斗之寒芒雪嶺朝登俯岷峨之壯觀韜鈴
決策敵間成擒鈇鉞宣威番羣喪膽礮聲雷震直逾剗
耳之巔火具星飛采入巴郎之阻曰莎羅奔曰狼卡二

曾者竄穴途窮跳梁技盡聞鼓音而伏地抱馬足以求
生祇壘全平分無完卵

天戈直指勢等摧枯廼至捧讀

綸言廣

諮廷議謂羅刹真成鬼國而么膺具有人心是宜釋彼
繫囚用以靖茲遠徼大哉

廣運信可格於豚魚允矣好生

德直垂於千羽於是三軍列騎虔聽指揮上相升臺親
傳

勅旨曰莎羅奔曰狼卡輪誠六事率焦頭爛額以咸來

悔罪三生竝勢面指心而設誓奉元戎之塑像求作良
民頂化國之金仙願依樂地從此五丁徼外更鑿千盤
一線天邊重開四面繩橋望去靜惡浪於金川鐵騎歸
來指祥烟於玉壘剛及五旬之頃坐收萬里之功蓋
廟算無遺乃文乃武而元臣有恪一德一心爰克暢我
皇靈式茲

元化錫四海無疆之福奠萬邦有道之基臣就日傾心
臨風結懔敬效輿人之頌還同壯士之歌

粵自番酋煽西川苦繹騷軍中無號令河上等逍遙赤
足巴人瘁朱顏焚婦凋何緣開玉帳空與珥金貂小犢

謀偏劣長鯨氣益驕終難逃

睿鑒旋已伏明條白日消氛壘青天敞沈瀟元臣生間
世壯志薄層霄弱歲登三事崇班冠百僚專征陳豹略
受

勅捧龍綃萬竈紛成列千軍靜不囂衝寒升雪嶺涉險
度繩橋著屐危安齒行泥巧蹈橈彎弓臨太乙試劍指
招搖勢捲深秋穽威凌半夜潮先聲擒黠虜大義懾羣
獠絕域逾邛笮窮巢失獨獐輟輟啼木客躑躅走山魈
設伏奇頻出攻堅戰屢挑憑空如捕鳥容易似承蜩纍
石轟能裂連峰火欲焦惟知芟惡草尙恐及良苗寬大

承

新詔包蒙荷

聖朝雕題穿詰屈卉服集焦僥夾道降幡出營門

大纛飄飛章來八日捷奏到中宵邊貢通重譯城笳息

麗譙麟臺勳業顯銅柱姓名標頒爵三公貴酬庸五等

超四圍華袞燦雙暈翠翎翹稠疊

君恩渥輝煌鉅典昭

徽音尊

太姒德舞象虞韶霽色開馳道和風扇綺寮上

陵隋

祖牒告

廟設庭燎高下台階正陰陽協氣調聖神文武頌永永仰

唐堯

恭和

御製恭奉

皇太后南巡啓蹕京師近體言志元韻

傳柑挑菜飮盤辛令節差排見等倫風轉東郊初問訊
雪消南苑尙逡巡三時不害

精禋舉

萬壽無疆

景命申

聖主有行惟法

祖熙朝每事必同民從官劔佩縱橫列野老壺漿次第陳
恩以如

天齊被澤人同望歲早逢春華封仰祝情何極夏諺重徵
語更新送

駕小臣虛橐筆南雲迢遞繫思頻

恭和

御製良鄉行宮作元韻

近出邦畿無百里早傳膏澤到三江初程小駐良鄉蹕

五色

龍光照綺窗

萬方安樂

一人勞鼓腹康衢嬉以遨只有

幾餘吟不厭雲飛風起語同豪

攀鱗附翼羣工志就日瞻雲薄海情旌旆搖搖待明發
傾陽一寸秉葵誠

兩年持節到東南游興分明記最酣今日道旁還悵望
未能隨

輦重尋探

臣於乾隆十四年奉
稽十五年蒙

恩典浙江鄉試
命祭告會

裴文達公詩集卷之二

恭和

御製良鄉行宮侍

皇太后宴兼陳火戲元韻

安輿行處馬倭遲錦幄徐褰繯殿移明月迎人如有待好

鐙入夜最相宜風前競吐銀花蕊雪後齊開玉樹枝列

坐名王歌既醉

小臣

沾漑亦多時

是日侍

古王公臣以

宴有蒙

駕竝蒙

恩賜

恭和

御製聞山東得雪元韻

此邦水旱舊難齊司牧飛章拜手題大雪已聞盈尺矣

上天眞荷降康兮

省方典比周王邁望

幸人同夏后後父老若思前度跡感

恩情至轉銜懷

恭和

御製上元前夕行營觀烟火卽事元韻

見慣元宵只覺常試從郊外探年芳千羣玉鳳排星彩
百道金蛇掣電光月到九分圓似鏡雲呈五色爛爲章
廣場盡許扶攜看歸路村民詫異香

恭和

御製趙北口行宮作元韻

駸駸過趙北春已漸生妍雪片消衣上風光到馬前傍
橋成小築題勝見高懸預計

回鑾日清波好放船

七十二沽外瓊瑤灩灩明負冰魚影動喧樹雀聲晴地
據三關險塵無一騎驚畱題邀

睿藻暫憩有餘情

恭和

御製鄭州道中元韻

十里長橋與短橋馬蹄得得未云遙不須比似吳江景

行到燕南意也消

鳥語初柔如欲媚柳條折得催游轡春色迎人步步來
東風早識行春意

澤國居然是此間漁庄鱗舍互廻環尚餘一事須商略
面面湖光但少山

金遼遺跡鄭州城地畫鴻溝舊有名今日道傍閒指點
鞭絲搖漾不勝情

恭和

御製再和沈佺期望瀛州南樓韻元韻

舊題覓危譙畫壁迴層霄詞人一以遠賞音空寥寥

疑千載隔脫葉隨飛颺雲中蠹仙館水外陳虹橋芳春
清蹕過懷古紆迢遙

新吟一再和萬籟寂不囂咄哉沈夫子感遇徒長謠

恭和

御製燕九日觀鐙元韻

隨馬依人春色濃眼前景物見昭融攜來道士蓬壺景
繪出周家鎬洛風萬顆珠光隨上下四圍霞彩幻青紅
白雲回憶樓真觀寒陋嗤他未許同

樂意逢春一倍濃元宵重展喜融融歲時荆楚餘前記
父老陳留詢土風寫得新詩研露碧傳來故事翦鐙紅

瀛洲從此添新誌記取良辰歲歲同

恭和

御製曉行元韻

晨光似水白傾銀一望郊原氣候新殘雪排枝消未盡
寒燕迎馬踏初勻衢歌巷舞尋常見趙北燕南次第巡
田事漸興冰欲泮鳥聲催動曉耕人

恭和

御製過景州元韻

廣川臺畔麗譙孤鏡面黃泥一道鋪盈路萬人迎
玉輦扈行七校隸金吾塵中小劫畱危塔郭外新晴醒

斷蕪所過更聞春稅免州民無事且爲娛

恭和

御製入山東境元韻

一重都會一山川南控淮徐北障燕入境已知成樂土
關心猶與問春田摩肩擊轂三交路煮海官山萬井烟
此地洋洋稱大國絃歌休負太平年

恭和

御製過德州元韻

彌望帆檣曉日懸舵樓如屋起炊烟人家兩岸浮橋隔
歧路三叉大道連一水繞城通北極八旗分鎮鎖南天

計程幾日龍山驛春在雕輿繡轂前

恭和

御製平原行元韻

買絲繡出平原君千年古趙今經行慷慨一起舞有酒
尊中盈當時愛客者竊取虛譽非其情公子競愛客客
亦各各効節抒忠誠直擬盟心論生死誰甘袖手觀敗
成上風從此重游俠翩翩馬史徵前評偉哉不肯帝秦
惟魯生至今生氣猶英英如何公子苦無策幾欲相率
朝秦嬴滿堂之客竟何益徒使愛客標聲稱吁嗟要令
六國平盡驅公子之客俾歸耕

恭和

御製閱本元韻

寅封呈自

御筵開驛遞迢迢日一來議集漢庭紛惕若語傳

虞陸仰明哉事分大小無畱牘政酌經權只獨裁健比
天行明比日更何疑義待遲廻

恭和

御製齊河道中元韻

昔年山左非今日臣實從行略能悉遠方轉徙相提攜

饑驅不暇憂家室

聖人恩澤天與同力變歉歲爲時豐盡傾內帑出正供
此事竝不謀臣工始知

天意符人意堯湯水旱何須諱兩年以來民氣完絲絲粟
粟皆

君賜勛哉我吏撫我民龔黃卓魯伊何人旣富且教莫
厭頻一變至道風斯淳

恭和

御製恭依

皇祖南巡過濟南元韻

春隨左纛度高城柳已萌芽草欲生南去迎眸山漸出

北來廻望地皆平
牛羊被野三時熟
飲飢堆盤百室盈
又喜新晴農事起
如鉦紅日馬前橫

恭和

御製過泰山恭依

皇祖詩韻

昔年扈從曾經此
記讀新詩最上頭
絕頂捫天紅日近
幽局臨險白雲浮
坐來日已空千古
登後曾還隘八州
今日

鑾輿再臨幸山靈
應望稍遲留

到此連山青不斷
瀛洲直接海東頭
天如積水層層遠

春作輕陰澹澹浮千里

豫游垂盛蹟

兩朝述作冠神州

聖人不侈登封事偶過聊爲一日留

恭和

御製望岱廟元韻

出雨興雲叶震亨巍巍高構倚山成諸峰羅列是孫子
四岳差排堪弟兄玉簡金泥餘想像秦松漢柏肅高
清明堂舊趾知何處綠到春郊有客耕

恭和

御製度汶水元韻

濟水波通汶水津春容猶薄曉寒新輕雲細作羅紋箋
老樹僵如凍面皴隔岸地分齊魯境戒途風靜往來塵
天顏底事沈吟久別有深情感舊因

恭和

御製喜晴元韻

幾日濃陰得快晴提壺有鳥勸春耕冰融力比爲霖潤
草長心含向日榮小市開時餉擔出亂山缺處酒帘輕
柳條漸上熏微景傍水依山綰送迎

恭和

御製望蒙山雪色再成元韻

馬首韶光漸不同行行都入咏歌中
雲烘日脚輕綃掩雪冒山頭敗絮蒙
沂泗波融思禹跡龜蒙地近緬儒風
臘前春後三呈白按候應知賀歲功

恭和

御製雁元韻

江南江北足棲遲雲外冥冥信有之
中澤有家欣樂土弋人無慕感清時
往來不礙關山隔冷暖原於氣候宜
底事年年秋社後琴中曲裏動關思

恭和

御製郊城道中元韻

未老中書筆有尖日供

宸賞韻頻拈馬因問俗常停轡車爲看山每去瞻江上
帆檣行漸近

卷中冰雪句新添雍容傾蓋亭邊路未覺高城鼓角嚴

恭和

御製入江南境元韻

辛未之年月仲春史官簪筆紀

南巡垂垂白髮扶鳩老歷歷蒼頭被褐民十六年來延
頸切二千里外佇思頻風馳雷動歡聲合

聖祖遺踪又一新

恭和

御製恭依

皇祖示江南大小諸吏詩韻

江北浩風烟江南富川藪兩戒氣候殊

疇咨一爲剖黃河襟帶之屹立金隄久入境民事殷延
覽此稱首次第進有司賈父與杜母詩書興膠庠耒耜
安猷猷治道有施設孰先而孰後行行歷方州一一申
官守大法小則廉助哉爾僚友何當贊昇平相與登仁
壽仰承

裴文達公詩集

卷之二

六

常宁心茲言莫空負

恭和

御製宿遷道中作元韻

翠葆南來取次巡江城初候

屬車塵淮黃側畔豐年少海岱中間瘠土鄰大吏拊循

須有術

天家膏澤不辭頻

親勞

玉趾知何爲爲爾林林總總人

恭和

御製見新耕者元韻

曉來布穀漸聞聲喚起村村望歲情
淮上正逢靈雨過道旁

親見野人耕

關心民事停

興人到眼春光覓句成臣亦田間懷舊夢扶犁曾記一
經橫

恭和

御製惠濟祠元韻

淮清黃濁險常憑廟貌巍然顯號增一柱中流知有寄

千尋長綆漫言能水堙故道圖經改功肇軍防畚鍤興
敬告

明神須鑒此年年報祀比嘗烝

恭和

御製賜沈德潛元韻

大羅天上曲江春交締忘年意最親一第偶同新進士
辦香曾奉老詩人肩隨

講幄廻翔久

帝念儒臣

眷顧頻晚達最難還早退百花開過識松筠

恭和

御製清江浦元韻

平分南北此河濱
淦淦清淮落漲新
到岸乍看臨水驛
解鞍歡動扈行人
窮閭負暖供簷曝
野藪流香獻渚蘋
競道

龍顏似

聖祖世間遺老互諮詢

恭和

御製題釣魚臺元韻

國士登壇顧盼雄
淮陰澤畔豈長窮
釣魚臺古餘流水

逐鹿場空起大風
渭涘難同夢熊老
商山何似採芝翁
居功不易成功易
千古君臣鑒始終

恭和

御製示江蘇學政莊有恭元韻

翼序此時稱弟子

天家他日作嘉賓
權衡不使纖毫爽
針芥須知遇合神
獨抱遺經追正始
別裁僞體軼時倫
風流未許誇江左
一洗鉛華返大淳

恭和

御製過淮安城元韻

幾年引領是南民

鳳船剛逢二月巡榆柳分隄江水濶魚蝦列市土風淳
久於

當陞疇咨切況復行程覩記真農利可興河患減敬承
清問語頻頻

恭和

御製舟行元韻

隄外重湖一鏡涵淮南風物近江南樓臺久向圖經見
山水名從載籍探俗尙儉奢須細酌河防興廢不輕談
此邦事事關

裴文達公詩集

卷之二

九

宸慮況是茲來更飽諳

恭和

御製維揚雨泛元韻

垂柳籠烟細作絲
溟濛不覺晝陰移
十三樓外青韶淺
廿四橋邊綠漲宜
舉網得魚逢野叟
使船如馬笑篙師
平山一雨看如畫

鳳舸頻褰座右帷

恭和

御製塔灣行宮恭依

皇祖詩韻

南來烟景足清華
晴見栽桑雨種麻
但取樓頭舒遠目
不妨牆外卽人家
品題第一江心水
問訊無雙觀裏花
無限六朝風月在
臨春結綺枉豪奢

恭和

御製落葉六首元韻

西風欲訴定何由
葉葉辭枝不暫留
細逐亂鴉衝古驛
漫隨羈雁渡寒流
千林過影日光靜
萬籟傳聲天宇秋
未省平生有離別
卻逢搖落豈勝愁

山山初指落霞紅
似絮漫天向遠空
秋士寂寥依蔓草
美人遲暮等飄蓬
五更霜冷遙關月
四野雲生大漠風

撼撼蕭蕭當此際重勞回首碧霄中

飄泊何當負夙心閉門三逕積還深轉疑淅瀝侵階響
不見婆婆匝地陰傳帚老僧閒共話支筇幽客重相尋
風前頓有攀條感千古猶聞太息音

人言秋日景偏殊翦綵工夫定不須氣霽遙空千嶂出
煙銷極浦半痕無踏枝恐誤簷前鶴繞樹頻啼月下烏
直待春歸上林苑繁花看取一株株

秋懷無計奈秋何遮莫經秋感慨多拂去任他縈野岸
飄來還許蘸清波澗松久識龍爲榦月斧曾聞玉作柯
一尊青青同不改人間天上隔長河

一從金井早驚秋。今古詞人競說愁。灞岸柳殘辭客騎。
吳江楓冷繫行舟。大風賦就咸推宋，前度人來詎是劉。
輸與莊周齊物論，鏡中花影水中秋。

裴文達公詩集卷之二終